



Angalatilluni napparsimanermi ikiorneqarneq

Kalaallit Nunaata Danmark, Savalimmiut, Sverige, Norge, Finland, Island, Europamilu nunat arlallit nunat taakku najorallartillugit napparsimalernermi ikiorneqarnissaq pillugu isumaqatigiissuteqarfagai. Najorallarnerat tamatumani isumaqarpoq takornariatut angalanerit, tikeraarluni angalanerit assigisaallu qaammatit arfinillit inorlugit sivilissuseqartut.

Tamanna isumaqarpoq nunani allaniitillutit napparsimaninni ilaatigut ikiorneqarsinnaasutit. Napparsimanermi ikiorneqarsinnaaneq isumaqatigiissutaasoq pisortat peqqinnissaqarfiini taamaallaat pisinnaavoq.

Nunani taakkunani tamani napparsimanermi ikiorneqarsinnaanermut maleruagassat assigiinngit-sorujussuupput. Taamaattumik pingaarluinnarpoq aallartinnak makku misissussagakkit:

- napparsimalissaguit ikiorneqarsinnaanersutit
- sumi ikiorneqarsinnaanersutit
- aamma nunani ornitanni qanoq ikiorneqarsinnaanersutit

Malugiuk

Kalaallit Nunaata Nunat Avannarliit, EU-p aamma nunat EØS-imik taaneqartartut avataaniittut isumaqatigiissuteqarfigisimanngilai. Tamanna isumaqarpoq nakorsaatit, nakorsarneqarnerlu, kiisalu angerlamut angallanneqarneq nammineq akilertussaagitit.

DANMARK SAVALIMMIULLU

Kalaallit Nunaata Danmark Savalimmiullu naalagaaffeqatigai. Danmarkimi Savalimmiunilu nalunaarusiortoqarsimavoq innuttaasut Kalaallit Nunaanersut Danmarkimi Savalimmiunilu peqqinnissamat tunngatillugu sullinneqarnissaannik pisinnaatitaaffiliisumik.

NASSIUSSIGIT



PDF-ILIARIUK



EMBED



Kalaallit Nunaanni najugaqaruit Danmarkimiikkallarninni Savalimmiuniikkallarninniluunniit tassan-ngaannartumik napparsimalissagaluaruit imaluunniit nappaatigeriikka ajorseriassagaluarpat, ajutuussagaluaruit assigisaannilluunniit pisoqassagaluarpat passunneqarnissamik pisinnaatitaaffeqarputit. Napparsimanermi ikiorneqarnerup nunap nammineq innuttaasa ikiorneqartarnerat assigaa.

Napparsimanermi akeqanngitsumik taamaallaat ikiorneqarsinnaavutit tassanngaannartumik napparsimaleruit imaluunniit anigorsinnaangisannik nappaatigisat tassanngaannartumik ajorseriarpat. Nakorsarneqarnerit tassanngaannartumik pisumit peqquteqanngitsut aningaasartuutitaat tamaasa illit nammineq akilertussaavatit.

Nunami najorallakkanni napparsimaleriataarnermi, anigorsinnaangisamik nappaatip ajorseriataarneratigut, ajutoornermi assigisaannilluunniit pisoqartillugu makku pisinnaatitaaffigaatit:

Kommunimi najorallakkanni napparsimmavimmi akeqanngitsumik nakorsarneqarneq.

Danmarkimi sygesikringsgruppe 1-itut piginnaatitaaffeqartut, aamma Savalimmiuni sygekassimut ilaasut assigalugit akeqanngitsumik nakorsamit ikiorneqarneq. Nakorsap akilerneqarnissi piumasarippagu tamatuma kingorna danskit kommunianni najukkanni sygesikringskontorimi akiliutigisimasatit utertissinnaavatit. Savalimmiuni najugaqarfinni sygekassimut ullut 14-it qaangiutsinnagit saaffiginnissaatit.

Nakorsamit aalajangerneqartumik nakorsaatinut taperneqarneq. Danmarkimi Savalimmiunilu innuttaasut assigalugit taperneqassaatit. Nakorsaati akiata tapiissutillu assigiinngissutaat nammineq akilissavat.

Pilertortumik pisariaqartumik kigutileritinnermut tapit. Kigutileritikkaanni akileeqataassuteqartoqartarpoq. Danmarkimi Savalimmiunilu innuttaasunut tapiissutaasartut amerlaqataannik taperneqassaatit. Sinneri nammineq akilissavatit. Eqqumaffigissavat danskit savalimmiullu oqartussaasuisa "pilertortumik pisariaqartumik" kigutileritinneq pineqartillugu "nerukitsuararsuarmik" isumaqartimmassuk. Tamanna isumaqarpoq assersuutigalugu ikkinni marniliorneqartillugu, kigutit ilaavisa katannerisigut, kigutit napinerisigut assigisaannilluunniit pisoqartillugu taamaallaat tapiisoqartartoq.

AKILIUTIGISIMASANIK UTERTITSINEQ

Akiliutigisimasanik utertitsineq pisarpoq danskit kommunianni

najugaqarfigisanni sygesikringskontorimut aningaasartuutigisimasat uppersarsaataat nassarlugu saaffiginnikkut.

Savalimmiuni ullut 14-it qaangiutsinnagit saaffissaraat Heilsutrygd:
www.heilsutrygd.fo

Kalaallit Nunaat qimatsinnagu pingaaruteqarpoq kommunimi najugaqarfinni allaffimmit imaluunniit nammineerlutit Sullissivik.gl-ikkoolutit najugaqarnermut uppersarsaammik pissarsinissat, Kalaallit Nunaanni najugaqarninnik uppersarsaasumik, taamalu tassangaannartumik napparsimalermermi nakorsarneqarnissamut pisinnaatitaaffeqarlutit. Najugaqarnermut uppersarsaammik atuuttumik peqanngikkuit nakorsarneqarneq nakorsaatillu tamaasa ilinnut akilersinneqassapput.

NUNAT AVANNARLIIT

Nunat Avannarliit inunnik isumaginninnermik qulakkeerinninneq Nordisk Konvention (Nunat Avannarliit isumaqatigiissutaat) isumaqatigiissutigisimavaat, tamatumani naalagaaffiit ilaasortaasut akornanni peqqinnissamik sullissinnermik qulakkeerisoqarluni. Isumaqatigiissutip maanna EU-mi peqqussutit tapertalersorpai.

Nunat Avannarliit – Finland, Norge, Sverige Islandilu – najorallartillugit napparsimanermermi, peqqinnissamik suliaqartut isaanniit isigalugu, pisariaqartumik ikiorneqartussaataavutit.

Nakorsaatitornissap pisariaqarnera nalilersorneqartarpoq najugaqarnerup sivilissusaa nappaatillu suussusaa aallaavigalugit. Tamanna isumaqarpoq nappaat aalajangersimasoq nakorsarneqarnissamik ingerlaannartumik kinguneqarneq ajortoq. Aamma tamanna isumaqarpoq ajoqusernerit nappaatilluunniit aalajangersimasut tassangaannartumik pisuunngitsut ilaatigut nakorsarneqarsinnaasartut. Nakorsarneqarneq pisarpoq nunap nammineq innuttaasuinut atugassarititaasut assigalugit. Nammineq akileeqataasoqakkajuttarpoq illit nammineq akiligassannik.

EUROPA

Kalaallit Nunaat EU-mut ilaasortaangilaq, taamaattorli peqqussut 1408/71 nunatsinnit akuersissutigineqarsimavoq, tamannalu naapertorlugu napparsimanermermi kalaallisut innuttaasut Europami nunani arlalinni ikiorneqarsinnaapput.

Europami nunat makku: Belgien, Bulgarien, Cypren, Estland, Frankrig, Grækenland, Holland, Irland, Italien, Letland, Liechtenstein, Litauen, Luxembourg, Malta, Polen, Portugal, Rumænien, Schweiz, Slovakiet, Slovenien, Spanien, Storbritannien aamma Nordirland (kiisalu Gibraltar), Tjekkiet, Tyskland, Ungarn aamma Østrig, najorallarneranni nunap nammineq innuttai assigalugit

nakorsaasersorneqarnissamik pisariaqartitsineq naapertorlugu napparsimanermi nakorsarneqarsinnaatitaavutit.

Nakorsaasersorneqarnissamik pisariaqartitsineq nalilersorneqartarpoq najugaqarallarnerup sivilissusaa nappaatillu suussusaa tunngavigalugit. Aamma tamanna isumaqarpoq ajoqusernerit nappaatilluunniit aalajangersimasut tassangaannartumik pisuunngitsut ilaatigut nakorsarneqarsinnaasartut.

EU-p iluani peqqinnissakkut sullinneqarsinnaatitaaneq uppersarneqarsinnaaqullugu ataatsimoorussamik uppersaasiortoqarsimavoq Blå Sygeskringsbevisitut ilisimaneqartumik. Blå Sygeskringsbevisili Kalaallit Nunaanni piunngimmat pingaaruteqarpoq najugaqarnermut uppersaativit nassarnissaa. Najugaqarnermut uppersaammi allasimasoqarpoq "Proof of right to healthcare in Greenland", taannalu isumaqarpoq Kalaallit Nunaanni peqqinnissamut tunngasumik sullinneqarsinnaatitaasutit, taamalu aamma Europami nunani taaneqartuni aamma.

Nunani tamalaani napparsimanermi ikiorneqarsinnaaneq nunallu ataasiakkaat immikkut maleruagassarititaat sukumiinerusumik atuarsinnaavatit Styrelsen for Patientsikkerhed i Danmark-ip nittartagaani uani: <http://stps.dk/da/borgere/internationalisygesikring/detblaakort>

Malugiuk

Nakorsarneqarneq pisarpoq nunap nammineq innuttaanut atugassarititaasut assigalugit. Nakorsarneqarnermut nammineq akiliuteqartitsisoqakkajuppoq.

SILARSUUP ILAANI ALLANI

Kalaallit Nunaat Nunat Avannarliit, EU-p nunallu EØS-imik taaneqartartut avataaniittunik nunanik allanik isumaqatigiissusiormannngilaq. Tamanna isumaqarpoq nakorsarneqarneq tamaat nakorsaatillu pissarsiatit illit tamaasa akilertussaagitit.

Taamaattumik nunarsuarmi nunanut allanut angalatillutit angalanermut sillimmasertassaatit.

Akiliutinik utertitsisinnaaneq angerlamullu angallanneqarneq Nunani allani nakorsarneqarneq nakorsaatilluunniit nammineq akilersimagukkit Kalaallit Nunaanni Peqqinnissaqarfimmit aningaasat utertissinnaanngilatit.

Kalaallit Nunaanni Peqqinnissaqarfiup Kalaallit Nunaannut angerlaanneqarneq aamma akilerneq ajorpaa.

Aallaaviusarpoq akiliutigisimasanik utertitsineq nunami

nakorsarneqarfigisanni pissasoq.

Akiliutigisimasat utertitsinnissaat aamma qinnuteqaatigineqarsinnaavoq International Sygesikring ved Styrelsen for Patientsikkerhed aqutigalugu. Utertitsisarneq sukumiinerusumik atuarsinnaavat uani: <http://stps.dk/da/borgere/internationalisygesikring/refusion>

ANGALANERMUT SILLIMASERNEQ AAMMA NAJUGAQARNERMUT UPPERNARSAAT

Angalanermut sillimaserneq

Nunanut allanut angalassaguit iliussissat pitsaanerpaq tassaavoq angalanermut sillimaserneq. Angalanermut sillimaserneq aningaasartuutit makku matussusertussaavai:

- nakorsarneqarneq
- napparsimmavimmi uninnganeq
- nakorsaatit
- angerlamut ingerlanneqarneq

Tamanna aamma atuuppoq Danmarkiliassaguit.

Malugiuk

Peqqinnissaqarfiup kaammattuutigaa angalanermut tamatigut sillimmasertassat, angalatillutit napparsimanermut angerlamullu ingerlanneqarnermut aningaasartuutinik matussusiissusammik.

Najugaqarnermut uppersarsaat

Sumulluunniit aallalaruut pisariaqarpoq najugaqarnermut uppersarsaatigarnissat Sullissivik.gl imaluunniit najukkanni innuttaasunut sullissivik aqutigalugu pissarsiarisassannik, uppersarsarsinnaasariaqaraku Kalaallit Nunaanni najugaqarlutit – taamaalillutillu peqqinnissakut sullinneqarsinnaatitaallutit. Angalatillutit najugaqarnermut uppersarsaat nassartuaannassavat, taamaaliunngikkuit nakorsarneqarnerit nakorsaatillu tamaasa tamakkiisumik ilinnut akilersinneqartussaassammata.

Pingaaruteqarluinnarpoq najugaqarnermut uppersarsaatip nassarnissaa nunani Kalaallit Nunaata isumaqatigiissusiorfigisimasaani, soorlu Danmarkimi, Nunani Avannarlerni EU-milu nunani nakor-sarneqarsinnaaninnut uppersarsaatitut atortussaagakku.

Uppersarsaatini kukkunerit

Uppersarsaatini kukkuneqartoq paasigukku innuttaasunut sullissivimmut nunaqarfimmiluunniit allaffimmut illit nammineerlutit saaffiginnissaatit.

[Najugaqarnermut uppersarsaat uani aajuk](#)

PIFFISSALIUSSAT

Pilertortumik pisariaqartumik kigutileritittariaqalernermut tapit
Kommunimi najorallakkanni sygesikringskontorimi kigutit nakorsaata akiliisimaninnut uppersaataa nassarlugu saaffiginnikkuit akiliutigisimasatit utertinneqassapput.

Savalimmiuni najorallakkanni sygekassimut ullut 14-it qaangiutsinnagit saaffiginnissaatit.

Nakorsanit akeqanngitsumik ikiorneqarneq
Danmarkimi: Nakorsap akiliinissat piumasarippagu danskit kommunianni najorallakkanni sygesikringskontorimi akiliutigimasatit kingorna utertissinnaavatit.

Savalimmiuni najorallakkanni sygekassimut ullut 14-it qaangiutsinnagit saaffiginnissaatit.

Nunani Avannarlerni Europamilu: Aallannginninni nunami ornitassanni napparsimanermi qanoq ikiorneqarsinnaanermut malittarisassat misissorluaqqissaaqqaartariaqarpatit.

Styrelsen for Patientsikkerhed-ip nittargagaani nunani avannarlerni nittartakkat pineqartumut attuumassuteqartut nassaarisinnaavatit:
<http://stps.dk/da/borgere/internationalsygesikring/links>

stps.dk-mi nunani tamalaani sygesikring aamma Europami nunani kalaallisut innuttaassuseqartut napparsimanermi ikiorneqarfigisinnaasaanni immikkut malittarisassat atuuttut pillugit annertunerusumik atuarsinnaavutit uani: <http://stps.dk/da/borgere/internationalsygesikring/detblaakort>

INATSISIT

Danmarkimi:
Bekendtgørelse nr. 565 af 29. april 2015 om ydelser i praksissektoren mv. til personer med bopæl på Færøerne eller i Grønland under midlertidigt ophold her i landet (Savalimmiuni aamma Kalaallit Nunaanni najugalinnut nunami maaniikkallartunut nakorsa qarfiup il.il. sullississutigisinnaasai pillugit nalunaarussiaq).

Savalimmiut:
Kunngerð nr. 135 frá 17. Desember 2012 umrætt til veitingarfrá Heilsutrygdfyripersónar, sum fyribilsupphalda sær í Føroyum, sum broyttviðkunngerð nr. 25 frá 4. April 2016.

Nunat avannarliit:
Nordisk Konvention om social sikring 1. maj 2014-imeersoq.

EU:
Forordning (EØF) nr. 1408/71 om anvendelse af de sociale sikringsordninger på arbejdstagere og deres familiemedlemmer, der

flytter inden for Fællesskabet (Sulinermik inuussutissarsiuteqartunut taakkulu ilaqutaannut EU-p iluani nuuttunut isumaginninnermik sullissinermi aqqissuussinerit atorneqarsinnaaneri pillugit peqqussut).

ATTAVISSAQ

Peqqissutsimut Naalakkersuisoqarfik

Imaneq 1A 401

Postboks 1160

3900 Nuuk

Telefon: (+299) 34 50 00

Fax: (+299) 34 55 05

Email: pn@nanoq.gl

NUTAARSIASSAQ

19. septembarip 2020

Tikereernermit ullut tallimat qaangiunneranni misissortinnissamut periarfissaq pillugu sapaammi septembarip ulluisa 20-anni paasissutissiisoqarnissaa naatsorsuutigineqassaaq

Nunatsinni Nakorsaaneqarfiup Naalakkersuisullu tusagassiorfinnut nalunaarutaanni tallimangornermi septembarip ulluisa 18-ianneersumi, inunnik pingasunngornermi septembarip ulluisa 16-ianniit nunatsinnut tikittunik misissuinermit tunngasumi ilisimatitsissutaasutut, ullut tallimassaanni misissortinnissaq ataasinngornermi septembarip ulluisa 21-anniit periarfissanngussaaq.

NUTAARSIASSAQ

20. septembarip 2020

Ullut tallimassaanni misissortinnissannut illoqarfigisanni peqqinnissaqarfik saffigiuk

Nakorsaaneqarfiup 18. septembarimi innersuussutigisimasaa malillugu ullut tallimassaanni misissortinniaruit illoqarfigisanni peqqinnissaqarfik Napparsimmavilluunniit ulluinnarni nal. 8-16 saaffigineqarsinnaavoq.





PEQQIK.GL PILLUGU



ILINNIARTITAANEQ



SULIAQARTUNUT



INFO IN ENGLISH



NUTAARSIASSAT



VIDEREUDDANNELSE



SAQQUMMERSITAT